

COMUNICATO n. 3033 del 30/09/2022

Traduzione in cimbri

Bolkhént in Euregio! Di tabéln in di zungen von zungmindarhaitn o zo lega in di kamöünder bosen åsteat

“Kooperatziong Kamöünder Euregio” iz a prodjèkt boda ågeat mearare sachandarn zo macha pittnânder zbisnen in lânt emtar von drai lentar. Zo vorstiana pezzar bia un baz zo tüana pittnânder in di djar boda khemmen zbisnen in Kamöünder von Euregio, iztase gehaltet nidar nå dar Djunta von GECT von fintzta 29 herbestmânat atz Sèn Jan/San Giovanni di Fassatal a trèff zbisnen in vorsitzar von Konsortzie von kamöünder von drai lentar. In gelaichege trèff von GECT, pinn zil zo geba mearar vèrt in lânt emtar drinn in Euregio, izta khent ågenump dar prodjèkt grafisch von tabéln zo geba in bolkhent in Euregio, ditza zo sichra azza pazzan pinn regln vo aniaglaz von drai lentar, haltante kunt vo aniaglana zungmindarhait o.

Dise grafike soin a mustar boda mage khemmen adatàrt in sèll boda hatt mångl aniagladar Kamòu nå bodarse vinnt. Dòpo azza bartn soin khent ågenump von provintziàln aministratziongen, di kamöünder bartn mang auzleng di nåüng tabéln. Disar prodjèkt o iz khent vürgevüart pittar mittarbat von Konsòrtzie von Kamöünder von Euregio, boda est zuargitt zo maga auzleng a tabela zo khöda bolkhennt un darzuar afte tabéln bartma mang drauleng di kamöünder gezbindlt o, asó est alle di Kamöünder bodase hãm gehatt ågevorst vert batn mang hãm di nåüng tabéln.

Übarsetzt von Schaltarle vor di zung von Toalkamou vodar Zimbar Hoachebene
(Traduzione a cura dello Sportello linguistico della Magnifica Comunità degli Altipiani Cimbri)

(cdt)